

Señor Jossy Mansur:

"Gobierno a acerca DIARIO pa acepta e responsabilidad grandi di bin cu un di dos Lotto pa Deporte"



ORANJESTAD (AAN) -- Señor Jossy Mansur, director di DIARIO, a yama un conferencia di prensa na Restaurant Hooters ayera mainta, pa duna informacion tocante e sorteo nobo, yama "DIARIO Lotto pa Deporte", cual lo inicia masha pronto.

Señor Mansur a referi na e reaccion negativo cu tocante

e sorteo aki a surgi di un radio emisora cual ta conoci pa su escandalonan, y pesey un di e motibonan di e conferencia di prensa aki tabata pa aclarea tur cos, y splica kico exactamente e loteria aki ta encera.

Señor Jossy Mansur a expresa: "Un di e cosnan cu nan

a tira den nos cara ta cu Fundacion Lotto pa Deporte ta Arubiano y nos ta stranhero.

Esaki ta un falsedad completo! Fundacion Lotto pa Deporte mes ta Arubiano mescos cu DIARIO ta Arubiano.

Pero como na Aruba nos no tin e tecnologia, ni e machinan, ni e capacidad pa hiba a cabo un tipo di lotto di e magnitud aki, nos a firma contrato cu e señornan di Merca mescos cu Lotto pa Deporte a firma contrato cu e Canadesnan".

Otro pregunta pa cual señor Mansur a duna contesta, ta si esaki ta bay ta un competencia pa Fundacion Lotto pa Deporte.

"No e no ta un competencia, e ta un complemento. Awo, si Fundacion Lotto pa Deporte no por sostene su mes cu e grupo Canades, esey ta nan asunto, no di nos!", señor Mansur a acentua.

GOBIERNO A ACERCA DIARIO:

DIARIO no a pidi e permiso pa bin cu e sorteo aki.

Señor Mansur a splica: "Nan a acerca nos di gobierno pa acepta e responsabilidad grandi di bin cu un di dos lotto pa deporte, pasobra esun aya no tabata contribuyendo suficiente, via e Ministro di Deporte pa encarga su mes cu diferente aspecto di deporte na Aruba.

Cu nos, e aporte lo duplica, triplica y hasta cuadruplica, depende con e desaroynan ta den e weganan", señor Jossy Mansur a splica.

Señor Jossy Mansur a haya na su lugar pa informa cu "Canadian Bank Lotto International", cu ta esun cu Fundacion Lotto pa Deporte tin, a caba di termina su operacionnan na Peru, Barbados, Camerun, y Jamaica pasobra nan no a cumpli, y cu esaki ta un otro peligro cu Fundacion Lotto pa Deporte aki na Aruba por confronta, unda por yega e momento cu nan no tin e capacidad real.

"Di nos, nos tin e garantia di

hende hopi serio cu cosnan asina no ta bay sosode.

Ademas di esey, DIARIO tambe ta di por medio y nos no ta bay hunga nos number cu pueblo riba un aventura", Jossy Mansur a comenta, reiterando cu si DIARIO a acepta, ta pasobra ta dos permiso legal tin na Aruba pa sorteo of lotto: esun cu Fundacion Lotto pa Deporte tin y e sorteo di DIARIO.

E sorteo di DIARIO ta existi pa mas of menos 15 aña caba y e ta hopi solido.

"Nos no ta gana ni un cen cune na DIARIO.

E ta gewoon un servicio publico e ta! Como cu nos tin e di dos permiso legal pa sorteo, gobierno a pensa cu ta prudente ya cu nos tin e base legal traha caba, cu nan ta bin cerca nos", señor Mansur a bisa, agregando cu e permiso a worde acepta despues di hopi deliberacion interno, pasobra e ta un trabao di otro mundo, cu ta rekeri di coordinacion, y hopi esfuerzo y energia.

HABITANTENANDI NOORD CURA CABAY VIGILANDO PA LADRON

ORANJESTAD(AAN):

Diavierna ladron a drenta un cas anochi na momento cu e doño no tabata na cas y a horto un cantidad di joya. Diasabra y diadomingo ta dos otro cas a bira victima di ladronia tambe den Noord Cura Cabay.

Segun un di e habitantenan cu a perde su joyanan a relata ayera na redaccion di DIARIO, e persona aki mester ta un persona cu conoce su cas y tambe di e dos otro personanan bon, ya cu el a bay directamente unda e joyanan tabata. Na otro casnan a horta tambe directamente unda e sa cu tabata tin articulonnan di balor. Pa e motibo ey varios bisiña den Noord Cura Cabay a uni pa tene vigilancia dia y anochi den bario, pa asina por logra pone man riba e malhechor(nan) aki.

TELEFONNAN DI DIARIO
826747- FAX 828551

ABO A BUSCA BO BANCHI!!

